

天年醫社日記

第一期

中華民國十年第一期

天
平
醫
社
會

譚
日
記

渝城本社
藏板

天年醫社會談日記例言

一本社以會談為主義者蓋以醫道精深一人之知未敢自信爰預貼廣告集衆同志而會談之求其可以自信又可以共信者則庶乎其無過乎然猶未敢認為定論再以所談廣佈各省就正於各省之同志徵求筆談此次之刻板慎毋認作醫書因欲廣其佈不得不廣其稿欲廣其稿不得不付之刻工是故雖是刻本仍請作未定之草稿觀可也

一本社日記草稿遍佈各省就正高明天下之大學醫之

多必有碩學奇才不吝忠告指其紕謬開其茅塞錫以
信函俾得削其誤而留其可以成其會談之實義本社
幸甚

一或投信碩學謙哀待人不加指摘若肯錫以偉論增其
知識俾得添刻稿內助成五鳳之樓正本社拋磚之初
志盼甚禱甚

一投論於本社務將通信處注明恐有未喻之旨俾得有
所諮詢有能發明靈素傷寒金匱之中微言奧義不染
時方氣習者本社特加欽佩認為會員

一本社所尊崇之書惟以素問靈樞傷寒論金匱要略神農本草經為聖經以張隱菴所註之素問靈樞集註傷寒論集註神農本草經集註為賢傳本社日記必以聖經賢傳之文為依據其反悖乎聖賢之旨而又確然為世大害者皆指為異端邪說譬如山徑岐途引入斷巖絕澗入其途者不至隕於淵墜於巖不止也本社力排異端攘斥邪說指引迷途咸歸聖賢光明大道為惟一之要務

一時方醫書一方之貴片言之長皆必採取其無效之方

雖覺繁蕪礙目然無害乎聖道亦不置議惟昧心妄造
欺世盜名之書大為聖道之障礙尤為人命之攸關本
社惡之等於局騙大盜以盜術流傳無底除之如農夫
之務去草惟恐不盡

一王海藏偽造之六合湯以四物等分隨證加入二味用
治妊娠傷寒不通傷寒大胆妄造是以盜術流傳無底
也除之

一十月分經養胎之說創自隋之巢元放不通醫理大胆
妄造是以盜術流傳無底也除之

一陳良甫以五行分配四時徐之才以十月分配證方不通醫理大胆妄配是以盜術流傳無底也除之

一俗醫所傳之妊娠藥忌無病者不須命之忌而自能知忌病重者不忌可治之證反因忌而不治是偽醫欺世盜名之術也是以盜術流傳無底也除之

一張潔古李東垣之藥性分經專派徐之才之藥性相須相惡相使相反皆邪說也除之

一凡膺大病述其病情投函於本社商討治法者本社認為義務必據實辨論樂效忠言

十

廣告

天年醫社第一期會談日記書出版每部售幣十銅元
二十四枚此書有十二特色開列如下

一大闡岐軒仲景補陽心法以遂其性三字將聖聖相傳自古迄
今無人能知之真訣載之篇章垂諸久遠永除陽貴陰賤之邪
說為第一特色

一大闡陽根於陰乃萬物受氣成形之公例以明人在母腹所得
先天之陽於胎出母腹後胃中水穀之陰為之根為萬世指明
陰陽真理發皇醫聖大光普照全球為第二特色

一推翻唐宋以來偽醫所傳熱藥補陽之邪說以救天下迷信其
說者被熱藥灼乾心腎精血之害為第三特色

一推翻唐宋以來偽醫所傳血熱則行血寒則凝之邪說以救天下婦女胞膜爆裂而死之慘為第四特色

一推翻偽醫所傳胎前宜涼產後宜溫之邪說以救胎前有寒產後有熱之受害者為第五特色

一發明聖方治癆有驅癆脫體之神功為第六特色

一發明頸瘍痔疝皆由癆得聖方治癆脫體自能使頸瘍痔疝一律脫體為第七特色

一發明男不種子女不孕子皆由病之所致聖方聖於去病故於種厚有挽回造化之力為第八特色

一發明陽寒論一書即岐軒所論之六氣本標大道至仲景靈

其大成數千年無人能識之書今被本社識破為第九特色
一發明聖方保壽四字為自古迄今求而弗得之真訣今以此四字道破垂諸永遠俾天下萬世皆得遵服聖方咸躋壽域以成
天年醫社之實功為第十特色

一發明生氣通天為人與飛走動物之公例以明人必呼吸清潔
空氣之說早經岐軒說破非獨西人始能言之為第十一特色
一此書專為發明農軒岐仲實貴無價大道而作一字一句咸由
四聖心傳非靈素炎經之言不言非傷寒金匱之文弗道是以
全書無一字沾染時醫偽醫俗氣為第十二特色
以上十二特色皆農軒岐仲心傳為唐宋以來一切時醫偽醫

所不能言者何謂時醫用時方者是也何謂偽醫不知聖法而用聖方者及造邪說以害世者皆是也今者時醫偽醫遍天下聖學絕響世人惟知時醫偽醫之為醫不知聖學之為真醫所以日受時醫偽醫之害而不知是害且以為是拯己也是壽己也一見聖學之醫則畏而却走曰是禍己也庸詎知世之所謂拯己壽己者正本社之所謂禍之也乎世之所謂禍己者正本社之所謂拯之壽之也乎惜矣聖道之廢墜竟若是也本社不暇為聖道之廢墜惜深為天下生聖人之世不被聖道之澤者痛惜之觀此書其猶有覺悟者乎其竟無一覺悟者乎非本社之所敢知本社惟盡其力之所可能其不能者則以下之天

天年醫社會談日談目次

民國九年

十二月二十日預貼廣告

民國十年

正月初五日天年醫社緣起

十二日陰陽並貴

十九日腎臟之陽

二十六日熱藥補陽之謬

二月初三日龜鹿今之名方

初十日龍雷之火

十七日鹿茸性解

二十四日龜鹿四物俗方

三月初二日執行寒凝之謬

初九日經瘀醫案

十六日胞膜爆裂

二十三日七八解

三十日空氣益人

胎宜涼溫之謬

四月初七日產後醫案

十四日涼則不孕之謬

二十一日孕育真理

二十八日脚脛冷痺醫案

五月初六日肺癆原始

十三日治癆經義

二十日頸瘍由癆得之

二十七日五痔由癆得之

六月初五日頭風醫案

十二日傷寒即本標法

十九日六氣本於天賦

二十六日



天年醫社會談日記

民國九年十二月二十日

岐軒仲景探天地陰陽之秘發明醫道垂法萬世天篤生醫聖於我中國宜夫我國咸沾聖澤矣孰知後世讀其書不得其門遂使聖道失傳俗醫遍天下病重者依然束手待斃寧非恨事今欲破除庸俗振興聖道非集衆同志討論之其道末由擬於明年正月初五日開社會談以後每星期六會談一次有能闡發經旨或獨標新義皆採入日記誌其芳名以傳永遠爰預布廣告如下

天年醫社

岐軒聖道	壽世之寶	六氣本標	知者恆少
遵法立方	病除壽保	道在中國	五千年飽
可惜世人	夢不知曉	謂世無福	岐軒書早
謂世有福	道已亡了	時方易學	藐乎其小
聖道高遠	不易探討	僕學於茲	堅苦研造
童而習之	白首獲要	既自壽康	願公同好
設會談處	人人可到	碩學奇才	尤望賜教
或研病情	或談精奧	務使聖學	大放光耀
聖道昌明	天年有效	萬世蒙庥	庶達懷抱

會談處

本醫社首重發明真道不得不拒絕偽學如世俗偽醫所傳陽貴陰賤熱藥補陽血熱則行涼則不孕胎前宜涼等說無知妄造不通之極必嚴絕之毋使污吾社地點暫設定遠碑鄒姓住宅每星期六午後四鐘起至七鐘止歡迎同志來社會談屆時光降是幸

天年醫社鄒子衡謹啟

民國十年正月初五日

今日為會談第一日當先將開社命名之大旨說說天年